

石

匱

書

石廬書卷第一百三十一

明 鈕南張 岱著

吳廷舉李承勛梁材列傳

吳廷舉蒼梧人成化中年十九舉於鄉二十三以進士知順德縣盡罷縣諸浮費壞斥淫祠觀寺二百餘所以其材修學宮開書院作土堤有鄉大夫二子犯盜並論死之而生其少子存其後標其門曰盜後少子改行泣懇廷舉廷舉乃撤之廷舉倨直好氣節上

官莫敢干劉大夏為廣東左布政使每延館廷舉省
衙尺書稱大夏頓首頓首其見重如此順德縣有推
瑞者家廟在縣以屬都御史屠滸、檄召廷舉廷舉
人見滸曰中貴人某者而邑子屬院修其家廟院難
檄故面語公、留意廷舉曰下官越境奔命謂大人
有重委所見命乃然下官守土吏非奉朝恩若例不
敢私役一人輕費一金也大人自為之趨出巡按御
史汪者曰吳全頗拒上市能所壞淫祠斥寺觀以其

材作土堤關書院修學宮亡侵乎盜、門竟撤之殆
盜賂耳即捕盜令自首賂令、乃撤門標不即理前
事廷舉因服梏手分析費直竹木碎屑具列斤兩盜
亦前曰盜小人死分也敢誣庶令汪大慚止廷舉以
劉阮不得起遷滯郡縣者二十餘年正德初廣東盜
起用劉大夏薦自松江同知陞兵備僉事至則平十
三村池水諸洞賊劉瑾索括省帑令解京師喪謂當
鬻鹽入之廷舉奏言有旨括省帑解京皆非正費曰

貢進內也曰司禮打點錢賂瑾也請留之脩軍瑾大
怒而廷舉方劾岷府門正鶴入廣買辦不法太監忠
鎮守橫恣者二十事忠亦許奏廷舉逮繫詔獄無所
考坐枉道過家械首吏部門一月謫戍邊會風霾示
變放為民其年瑾誅遷雲南副使江西盜起總制討
之數年無功吏部尚書楊一清言廷舉才畧隨遷江
西叅政至則督兵攻靖安寇胡雪二者無功既單騎
入姚源賊王浩八壘諭之降為浩八所羈廷舉居數

日不見恐行坐吟詩陰伺得賊要領目用其巨力而
譴微輕者啗以利令僕妻其女時胡世寧方以按察
使討賊騰檄開諭賊奉廷舉歸廷舉回與楊澄執首
率三人平之回上擢功而自劾輕身被羈狀又二年
追姚源賊于弋陽又一年與胡世寧等擊浩八于裴
源皆有功廷舉故喜吟詩尊副使李臺陽而請之顧
其音響不諧大為臺陽嘲哂遂忌而相排擊廷舉乞
休不俟命辭去既去陞廣東右布政兼經畧廣西轉

左布政湖南飢陞副都御史出賑還京復出湖南定
地諸夷界寧庶人且反陰屬吏部尚書陸完曰都御
史孫燧不利我急去之切勿異代也 世宗即位召
為兵部右侍郎上書自劾曰竊見古之人臣盡言以
匡君竭忠而輔友用能殫心報國協力救時都御史
之職當辯理冤濫糾劾百官而臣向者當多事之秋
負不職之咎正德末年錢寧江彬相繼竊柄招權納
賄誤國開邊臣于此曾無一言排擊吏部尚書陸完

傾心張銳兵部尚書王瓊謫事錢寧臣于此時不以
風聞糾過致仕少師梁儲臣微時舊交也 先帝南
狩有請寶之從無回鑒之諍今少傅蔣冕臣同榜好
友也 先帝朝事日非既不能引裾而陳又不能納
綬而去而臣於二臣袖手括囊曾無忠言善說輸
觥 猷歲昔者張綱埋輪于梁冀王尊上奏於匡衡唐介
面陳于彥博韓愈著論於陽城歐陽移責于仲淹陳
瓘致規于魯布朱熹削簡于史浩臣處君臣朋友之

間有愧七賢不敢就職瑾乞骸骨歸䟽入改南工部
又改南戶部遷南巡撫右都御史蓋立朝五日而已
大禮議起廷舉請延問海內有德有學之臣如楊一
清胡世寧王守仁汪偉李承勛李夢陽諸人定其是
非不報廷舉雖與夢陽相忌至是顧亦薦之于朝而
廷舉先為江西時德興縣有致仕布政使舒清者嘗
治禹州掘地得錢十八萬緡盡發屬公後在廣西却
土官餽歸之府庫居鄉不跡城府賊入境相戒勿擾

清家廷舉上言薦清請量授京職或賜養贍未康下吏部寢不行至為南都御史長洲知縣郭波者以法挫織造太監張志聰志聰怒伺波出擁徒百十人執波倒曳車後行數十里典史蕭景映者方操兵教場聞波事召兵前衝圍太監道攘臂大呼扼太監頤落其帽諸兵皆助圍百姓盡登屋飛瓦擊下百十人者擁太監遁去遂奪波還志聰以為辱入奏之世宗命械繫波景映且重治之廷舉入奏志聰貪黷所以

魚肉吳人狀 上降波五級調景腆遠方黜志聰罷
之廷舉還引見景腆壯焉為立伏羲英風碑、於長
洲之縣門其嗜善如此亡何遷工部尚書具疏乞休
上慰留之廷舉且留戶部主事陳琛以詩規廷舉廷
舉手牘請琛曰公謂可歸耶歸矣遂再疏請疏引白
居易張詠詩月俸百千官二品朝廷催我作閑人天
下太平無一事江南閒殺老尚書之語疏中有嗚呼
二字 上怒廷舉侮慢無人臣禮令致仕亡何卒廷

舉身長而瘠面如削爪好讀書自擬古人志節皎然
於天下其少遊太學時與羅杞為同舍生杞以資貢
年四十餘無知者廷舉獨奇而兄事之杞主僕皆病
痢僕死廷舉身為煮粥負之解後晝夜十數反其在
順德鄒智謫死石城死之日上官還廣治令當迎廷
舉獨紀經智喪越日乃入謁人皆服其誼有弟廷弼
亦為舉人廷舉遊宦不偶所親勸廷弼規之廷弼曰
君子仕則為君兄強直守職誠向君也烏規哉廷舉

被逮時廷弼追與俱及下獄械首劉瑾成通飲食者
廷弼著舉人巾服操食、凡卧其械下刑部主事宿
進見之歎曰二吳一死安用生為奏記吏部尚書張
綏、抹之於瑾故得全世皆贊其孝友隆慶初贈廷
舉太子少保謚清惠

李承勛嘉魚人唐鬱林王恪之裔父田成化中為戶
部郎中蜀大壩蠻叛尚書楊鼎舉田督餉計黔瀘夔
慶等郡所合徵調勸輸以省遠輒蠲平擢廣東右叅

議海西夷南那喃叛回渡海抵巢諭服之仕至右副
都御史以不謁汪直重縉紳間承勛二十舉弘治六
年進士授太湖令剔蠹除彊力行古政歷南京刑部
郎中與胡世寧魏綬余祐相善稱四君子正德三年
自工部郎中出知南昌府是時江西盜起瑞饒撫贛
諸郡皆被賊承勛至贛賊方犯新淦參政趙士賢被
執都御史陳金檄承勛守豐城承勛多方防禦寇退
六年靖安寇胡雪二與其黨羅光權攻掠州縣殺人

萬計叅政吳廷舉入寇壘為所留代者副使吳一貫
沒於軍承勛與賊兩戰斬首五百有奇七年華林寇
丁大全等復熾副使周憲被害承勛單騎入憲軍召
賊黨王奇說降之奇來見搭得其衷亦縱使還奇復
與其党來則謀舉火為應承勛乘之寇以大潰擒斬
二千四百降附五百撫散萬餘二縣悉平八年姚源
賊王浩八聽撫復判都御史俞諫調大同兵征之邊
兵貪暴甚賊承勛獨約束一軍設伏裴源復斬首百

有奇論功第一鎮守太監黎安欲奪之誣承勛竄賊
坐繫江西獄吏部言承勛治績顯著得出超遷浙江
按察使累陞都御史巡撫遼東初開原與虜市虜時
殺掠市人巡按御史葛倫請遣大臣有才望者經
畧戰守兵部以承勛言上遂使往承勛以開原一
鎮孤懸賊境密通奴兒土諸夷邊城頗壞賊往來莫
禁民困不支奏請修築邊堡起定遠慶雲次古城鎮
夷以及松山柴河諸要衝為垣九萬一千四百餘丈

壕塹如之墩臺百八十有一招來逋逃三千三百有
奇墾田五千四百餘頃入城中固鐵嶺蒲河撫順諸
要害垣塹墩臺視開原三之一兩月報峻陞俸一級
是為 世宗初年亡何告歸起南京都察院右都御
史轉南刑部右侍郎尋陞尚書嘉靖六年左都御史
缺吏部以承勛人胡世寧上 上用承勛輒傳赴職是
時 天子勵精圖治收召材賢士大夫以鄧興名表
著於時者莫不在位尋陞吏部尚書會刑部尚書顏

順壽罷上加承勛太子太保使為之刑部班亞吏
部復使為慎選也承勛自南京至條足食足兵八事
上嘉納焉頃之上欲作新戎政復圉營舊大學士
楊一清言兵部尚書職重事繁不應兼掌宜專設都
御史一人提督令才望大臣充之上又特命承勛
為兵部尚書兼都察院左都御史太子太保提督團
營賜璽書及御製詩一章凡國有大議承勛與胡世
寧等類見諮訪承勛亦致為國知無不言甚

稱上意七年以疾乞休因疏時事所急者上下

議所司慰留不允八年胡世寧以兵部尚書卒特命

承勛事領尚書事魚園營如故時岑猛弄兵于田州沙

保拒命于芒部番賊深入于北岷甘肅土魯番嫁

禍于哈密小王子入寇于陽和警報日至承勛繼世

寧任經理安戢先後同心九年一品考滿上親製

手勅嘉褒賜羊酒寶鏐十年春以風霾示異奉詔脩

陳脩遼策曰言今天下夷虜之患凡五所以脩之不

過豐材用材兩途而已豐材之道在預備用材之道
在器使踈入即下諸司條議舉行亡何暴卒於官舍
上曰吾方欲用承勛吏部今已矣自為文達祭卹典
有加賜贈少保謚康惠

梁材南京金吾右衛人弘治己未進士授德清令尅
苦而勤敏一日勘事他邑重囚越獄去材還禱於城
隍未幾就擒材詰之曰汝既遁何復為我擒賊曰有
一緋衣人尾之欲脫不能耳人咸以為異正德二年

晉刑部廣東司主事四年署貴州司員外郎獄小大
無遁情大司寇洪鍾每命諸司錄其讞案以爲法五
年改山東道御史逆瑾誅榜諭天下出材手筆大學
士李東陽見而絕愛之及爲史記李東陽與陽廷和
各製一篇不愜意乃會司寇何鑑中丞楊綸令其屬
徧爲之李東陽見材作喜曰此以古詞兼律筆足示
後矣遂錄付史館六年出知嘉興未幾調杭州杭以
繁富名材至愈以清約自勵入覲具一書二帕贊京

貴索中無長物而材廉幹益有聞十一年進右叅政
尋遷按察使會宸濠變起濠去浙通倚鎮守中貴人
畢真為內應人心洶、御史張縉謀於才曰事急矣
將若何材既就案草檄調兵方畧布置一日悉具又
自往說真令撤兵衛自是奸謀內沮而浙恃以安嘉
靖二年以服闋再為雲南按察使先是有土酋相仇
夷者六載未定御史曰須梁君為之材即召至諭以
王法當誅今姑貸汝如例罰牛羊若干以贖土酋頓

額輸服御史難其太輕材曰治夷法如是足矣不爾是激之變也後訶知夷果密調兵聞無他乃止三年晉貴州左布政使尋調廣東凡入民課金令輸者自權之而親為監督主藏者不得高下其手往來傳置諸所餽遺即稟疏弗受也兩典名郡及為藩臬長一以便民為務頒教載途六年進右副都御史巡撫江西未兩月召為刑部左侍郎七年改戶部兼右都御史總督雲貴川廣糧餉脩總制伍文定往平雲南至

澧州聞捷還辭兼職冬晉尚書十年丁內艱十三年
召復任駕謁山陵受勅偕宣城伯衡錞居守十七年
以考滿解職明年遷臣上議言司徒乃國計大臣總
領財賦得人寔難竊見材操心慮直終始不渝且綜
理既閒出納有執寔聖朝人材之望及今未衰尚堪
任使之蚤召用以盡其材 上俞之起材原官加太
子少保時永嘉張聰新貴用事嘗以意氣挫折公卿
一日于朝堂厲聲語云梁大用某處糧州當辦則應

曰諾某處折銀當發復應曰諾張聰意其黷弗了也既而偵之則無弗風具者乃嘆曰渠固若是辨耶上念吏治龐雜特命材以司徒行考察所汰簡者數百人、心大服又大獄久不決者四事上命廉司寇謝勘之居數日盡得其情擬奏上喜曰得尚書十二人如材者朕可無憂矣竣乃還印刑部皆以特旨從事前此未有也平生為國薦賢絕不欲人知是時士大夫頗尚模稜公卿或阿上取寵而材獨屹

然自守有古大臣風然竟以此忤於時翊國公郭勛恃寵專權損兵冒餉材疏劾之上下其章所司勦勦威莫敢詰復按勛不法十事草成未上為僚友泄其語反為所中遂落職歸、兩月而卒嘉靖中工作大興邊費無節加以水旱癘疫所在告災材竭心籌畫必不加賦於民諸濫請浮費悉斥不應至世廟以利禱故於額外有所需材執曰終不可以無益虧國計世廟心勿善也頃之材去且死卒致邊儲大

人
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

害計無所出 世廟乃歎曰令梁材在當不至是居
恒約勒僚友一意奉公自起家縣令至司徒處公解
者什九私居者什一終日爲拱堂皇內外肅然崔鉉
稱之曰自公召還司徒塗人丐子相語云今天眼開
召用梁材矣此與司馬溫公入朝何異隆慶初奉遺
詔補給祭葬贈太子太保謚端肅

石匱書曰吳司空李康惠梁端肅皆能設奇取捷勘
定禍亂而司空敏而變康惠敏而斲端肅敏而藏是

則其才有不同而用以濟事則一也 世宗嘆曰得
尚書十二人如材者朕可無憂矣三君子才不相上
下而惜 世廟未及進用耳雖然若材者以一人兼
三尚書而事皆立辦一變而足又何在多人哉

石厓書卷第一百三十二

明 鉅南張 岱著

陳張姚林列傳

陳金湖廣麻城人成化壬辰進士知婺源縣召爲南
監察御史歷官雲南右布政督兵平竹子箐叛夷拜
右副都御史巡撫雲南孟養爲邊患數十年金遣人
省諭即輸服歸侵地十三處又合貴州兵勦平度賊
朱魯等修復滇池水利灌田數千頃以至屯田馬政

石厓書

卷一百三十二

陳金湖列傳

一 鳳嬉堂

軍器多積弊盡搜剔之正德二年丁卯代熊綽總制
兩廣先是都御史韓雍開大藤峽威信至著金募其
為人馬平擒賊徧徇親統十三萬衆直抵賊巢平之
省諭古田賊首歸侵疆輸賦如他州縣又斷藤峽賊
積久為梗金諭服之俾通江路無過往來上其事賜
名永通峽己巳陞南戶部尚書庚午改都察院左都
御史以母憂去位無何汪西盜起召金總制江浙閩
廣軍務墨裏就道時江西諸郡贛賊犯新淦靖安賊

據越王嶺瑪瑙賽華林賊破瑞州既而撫州東鄉饒
州桃源洞等處群盜蠢起金至下令曰諸賊巢惟華
林最險峻爲賊巨巢華林破餘賊不足平也乃勒所
部合廣西田州東蘭等狼兵擢副使周憲等分兵討
華林會憲兵先進後兵失期不至憲戰沒賊益熾金
察南昌守李永勛可太任命勛之勛招有降賊黃奇
者用之多縱反間夜啣枚入賊巢大破賊斬首三千
餘級賊奔潰華林平金以次擊平諸賊奏立東鄉萬

年二縣地方以寧班師加太子少保疏請終制許之
乙亥秋加太子太保仍督撫兩廣全念兩廣之用兵
民困瘠不忍更以兵事累地方疏復益利開鐵冶佛
山堡收稅以充軍興南雄民遺虛糧七千餘石征逋
方急金別覈橋稅以代供潮州所轄多逃移逋賦亦
五千石則撥餘鹽補之減省供費一意拊卹丁丑加少
保兼太子太保左都御史同沂州王璟掌院事時璟以
左都宣城張綸以右都俱掌院金再以太保進院人病

之有中都御史之誣 武宗之南征也南贛巡撫王守
仁先以擒宸濠獻捷群小別有異議不許庚辰冬十
月 車駕將還京師令守仁重獻捷 六飛次通州
忽召文武大臣會議濠罪群臣相視未發金首言宸
濠不軌天地鬼神共憤而王守仁佐文定起兵勤王
翼元亨以一書生助之其志可哀奈何猶豫竟抵宸
濠于法而守仁等之功旋白正德十六年致仕嘉靖
八年卒賜祭葬如例

張嶺浙江蕭山人成化丁未進士除江西上饒縣奏
課吏部考第一陞南京兵部主事先是屬部見守備
璫執禮甚恭嶺肅揖而已遂永為式縉紳重之歷刑
部郎中正德初劉瑾擅權傾天下隆平候張祐無嗣
弟姪爭襲奏行勘議瑾受賄以屬嶺不可私乃矯制
取入他曹理焉戊辰陞知興化府禁奸戢暴吏不敢肆
瑾索奇香諸郡嶺不報郡人戴大賓弱冠及第瑾欲
以姪女奪其舊聘諷嶺主之復不應瑾怒甚遂撫隆

平侯事落職微服東歸杜門謝客瑾誅起守南雄未
幾陞江西叅政時宸濠賂結中外諸臣亦欲要致損
陰使黨人王泰諭意貴正色拒適藩省灾粟累劾損
賴朝論不能害擢右布政使尋轉左時濠欲拓府址
以擬大內貴不聽濠動為掣肘因斥曰病風子乃戒
其下慎勿干擾濠遂賂陞南光祿寺卿尋拜右副都
御史撫保定值武廟巡幸諸權監江彬錢寧輩往來
誅索郡邑嶺無所應百姓安堵群小謀擢貴遂移疾乞

休歸 世廟八紘大統詔徵天下耆舊起拜右都御史總督兩廣計擒思州土官黃鏐斬平劇賊嚴院泰猛三等斬獲萬餘人提聞慰勞有加江福流賊黃萬山李文積等糾陷郡縣勢甚猖獗悉討平之尋入掌南院總持風紀內臣黃玉守備舍人曹顯皆治以法無所顧改南工部尚書以老致仕入四年卒年七十四祭葬如例

姚鎮浙江慈谿人弘治癸丑進士初授禮部主事陞

廣西提學僉事尋改福建副使仍督學先是興泉汀
建諸生偏習一經乃延明經分教諸邑五經始備歷
轉福建山東左右布政所至以政事聞擢副都御史
撫延綏鎮至榆林 武宗以十萬衆駐蹕其地鎮調
度兵食人不知擾嘉靖初南寇涇陽全陝大震鎮以
遊擊彭模勇略使率所部人出指揮卜靈於獄為模
最授之方畧斬酋八千餘級酋悉引退 上降勅褒
獎陞工部右侍郎四年命提督兩廣軍務兼理巡撫

先是田州土酋岑猛擁勝兵數萬督府調遣不從聽命撫按張嶺張鉞等相繼列其罪狀謀勦鎮至諭猛使束身歸罪當請於朝待以不死猛不聽鎮疏猛罪決不可宥調永保兵自督師分兵五哨蹙之破定羅下丹梁猛子邦彥與其驍將韋好陸受列十二營分道挑戰官軍奮前斬受好邦彥中天適衆大潰敗猛奔歸順土官岑璋鳩猛傳首南寧捷奏上嘉其功賜金綺進左都御史加太子少保會潮惠二郡流賊

并賀縣蠻作亂遣從事施君儒討平之再賜金綺猛
既誅班師其麾下土目盧蕪等復叛據思恩州挾以
求赦察佐多勸之鎮不可曰交南之役平而復叛者
四麓川之役平而復叛者三二酋假息避鬼不誅無
以懲後柰何曲庇其罪偷旦夕安乎乃自引咎復奏
於朝請勦而巡按石金劾鎮失策致再亂且言岑猛
不死執政張煦桂萼等遂薦新建伯王守仁往勦鎮
遂致政閑位初張桂每言大同當征而撫四川當撫

而征實費宏謀國不減以成南北之惠意主排宏故
不得不抑鎮以伸其說及王守仁至力主撫蘓受二
前詣軍門降後益肆橫毒殺土官不靖者久之衆始
服鎮之先見乙未陝西三邊缺總制費宏薦鎮起兵
部尚書兼左都御史往蒞其地嚴督諸鎮摧殄鹵寇
寧夏甘肅相繼奏功未久乞休歸卒年七十四鎮端
嚴博大所至以公廡見稱于冰狀元及第官侍讀學
士

林富福建莆田人弘治壬戌進士授大理評事忤權
璫劉瑾繫詔獄降潮陽縣丞復以大理事文致罷官
仍罰米一百石瑾誅起袁州府同知陞寧波知府當
道喜事增募鄉兵令編戶輸直富以歲儉民貧持不
可市舶閩奴橫奪民繭捕之且藉閩不法狀欲上
聞閣欽哉廣德湖自宋為官田輸租特重既而祖訓
并征民不堪命富遂議改為全折丁外艱服除改虔
州孝豐寇湯毛九倡亂委勦率處兵為前鋒親抵賊

巢擒其魁他哨乘之寇悉平 世宗登極陞廣西叅政入覲舉卓異陞廣東右布政藉淫寺之田以贍學宮毀閣之假設聖像以漁民利者尋為忌者所中調廣西兩廣都御史姚鎮委以思田兵事先是盧蘓王受及執思恩知府以下官屬進逼武緣富覲知受空城而出密遣將徑趨思恩先發銳卒百人潛入為內應受至武緣萬弩俱發退遁則我師先克其穴賊勢挫富乃議招撫會鎮辭任去代之者為餘姚王守仁

與富議合遂撤兵蘇受率衆七萬來降田役罷朝議
欲改土為流富謂思州仍流官田州土官必不可廢
但稍貶降分其權為便遂行其議富歷事久知八寨
徭賊與思田勢相倚請于守仁宜以時定師剋日出
而富已陞右副都御史撫治鄖陽報至請終其事冒
暑兩提兵入險擒斬無算奏凱乃啓行會鄖陽歲飢
妖民周極冀煽亂富且賑且捕未幾底寧守仁卒陞
富兵部右侍郎兼都御史代其任東賊王基偕號海

寇黃秀山倡叛皆以次討平未幾廣州會寧寇復熾
富集漢遼兵分擊之擒斬四千有奇未旬克寨七
十四降寨如之賜賚甚渥復上六事為會寧善後計
從之時議大征富與御史議左乞休會方獻夫家衆
奪民產富付僉事龔大綏裁以法獻夫不憚至是疏
至獻夫調肯回籍聽勘入富將歸海寇為梗御史檄
勦不克反嫁其罪于富遂落職大綏隨被逮以死富
歸七年適情林泉不聞戶外事妄薦用不起卒年六

十六子萬潮孫兆金俱進士

石匱書曰陳張姚林四君子者皆大臣兼武事與王
文成同事江石思田驅馳戎馬間以共成其勲業者
也故平濠之役張嶺挫其鋒於前陳金白其功於後
思田之後姚鏌奪其魄於前林富善其策於後嗟
我文成天下之為烈也論其成功則豈一手一足也
哉

石匱書卷第一百三十二

明 鈞南張 岱著

楊訐林倫王列傳

楊守陳鄞人也先世以貧聞而祖範為儒者父自德
縣吏也有陰德生守陳舉景泰元年浙江鄉試第一
明年第進士改庶吉士時 景皇帝宮中嘗以金銀
為豆剪銀壺如花葉亂撒地下令宮人宦侍爭拾為
關咲守陳賦銀豆謠京師傳之尋丁父憂及承重喪

七年學益遠速讀三禮孝經學庸語孟易春秋章句多有更定凡順二年授翰林編修尋被命教習內侍辭不許 憲宗朝累官司經局洗馬充經筵講官嘗講武成篇末曰遊言曰昔魯論稱舜無為周書稱武王垂拱然而天下皆治後世人主有深殿中禁委政內侍者乃禍召望夷高居無為肆情侈斃者乃變起祿山則憂勞之心先殊而安危利害之樂自斃也此聖狂治亂所以惟判 陛下慎之聽者以為慙久

之陞侍講學士尋丁母喪服除還仕守陳素羸疾靜
默自守鶴立蒼髯若山澤之叢一官五品十六年矣
泊然自處而舊時所教內侍多貴幸有欲為黃綠者
守陳曰豈娶半生老乃嫁人邪一時薦紳傳為名語
孝宗為太子時出閣講學守陳被選為日講預修大
華大訓書成陞少詹事兼侍讀學士先時翰林修大
訓有事涉中貴者率削去至守陳獨不肯在廷大臣
數薦守陳可大用久孝宗即位論進宮僚官奏擬

南京吏部右侍郎 上手塗去南京二字留之時王
恕爲尚書劉紹和與守陳爲左右侍郎三人協心相
與凡人材忠邪易險守陳侃言之恕率聽用未幾
詔議桃禮上官請桃 懿祖以德祖比宋僖祖百世
不遷守陳抗言禮天子七廟祖有功宗有德乃孔子
之言故凡號太祖者即始祖必事之以配天若商周
之稷契皆以功而非論其本統也宋之僖祖及我
德祖可比商報乙周亞圉非契稷比議者徒謂大儒

取王安石之說而不從孔子遂使七廟之間既有始祖人有太祖太祖既以配天而不正南向之位名與實乖豈先王之禮哉若謂降而合食為非禮則王者既立始祖之廟人推始祖所自出之帝而祀之固無嫌也 憲宗升祔請并祀 德懿熙三祖自 仁宗以為七廟異時祖祧盡則以 太祖擬商周其禮而祧主藏於後寢祫禮行於前廟時亨則尊 太祖祫祭則尊德祖各不失尊庶無悖禮議不能從弘治元

年疏論講學聽政累數百言略曰 陛下御極以來
屏棄珍玩放遠奇袤納忠諫躬覽章奏持此不懈
克舜可幾臣愚過慮正始猶易保終寔難若內養勿
深外竇勿博親志少懈慈心漸滋有初鮮終古今大
戒 上嘉納之三月御經筵禮部并請午朝得如守
陳奏後數年 上時召輔臣坐論政事閱章奏皆自
守陳啟之守陳在吏部倡持正論會修 憲宗寔
錄充副總裁再請解部事專史職不允未逾年人辭

且請老曰吏部進退百官衆怨所集尚書王恕尚不
免人言況臣迂踈宜止退上不許守陳請老益力
乃以本官兼詹事專職史館而以張莊簡代之守陳
寄言古人謂國可滅史不可滅我太祖定天下耶
命儒臣撰元史太宗靖難史臣不記是文君事遂
使建文數年朝廷政事及當時忠於所事者皆湮沒
不傳及今朱輯尚可補國史之缺景皇帝已復位
號而英宗實錄標目猶書郕戾王附是宜改正舊

例群臣章奏留中者即忠言正議國家大政事例不得實錄直宣付史館以脩遺忘疏具病不果吐亡何卒為弘治二年金星犯進賢守陳應之訃聞上嗟悼賜謚文懿後二年實錄成始贈尚書弟守陞南吏部尚書從事守隨掌大理寺事工部尚書謹康簡守隅廣西布政使二子茂元刑部侍郎茂仁四川按察使皆能濟美克世其家

許進河南靈寶人成化丙戌進士授監察御史巡按

甘肅太監汪直妄殺建州夷人以冒功強珍劾之下
詔獄進具疏劾直救珍坐奪俸直既銜進有道士以
黃白術干鎮守湖廣總兵李震不遂誣震招夷軍
為不軌直逮震家百口諷錦衣鍛鍊成獄進為具寃
狀上命即誅道士直怒求進亡所得一日上章
訛奏進被杖幾死滿九年考出為山東副使監臨鄉
試司事者欲私一貴介進堅持不可乃止東昌武弁
于懷金歸與所享生過飲於酒家暮散武弁于被執

且無首執生於官不勝刑遂自誣伏進知其冤私念
必酒家殺之又意貧人得金必易貨急召通邑商人
莫測其故至則驗閱私厝見酒家以殺人之次三日
易布數疋一鞠即服始獲死首於空桑中奉安一富
豪捷人抵腹死舉屍棄壑囑鄉隣無所救言死者兄
訴官獄數年不就進隔取一人問其村巷居人門戶
姓名又取一人使言行殺者姓名以前所告詳詰之
其人謂進文私行知其事即吐實富家驚愕稽首服

罪近寄行圖指畦蔬曰為此如理此蔬矣須脩知某
可灌其可藝買、為之得母乳乎二十三年以地方
事與巡按俱逮至京下錦衣獄 孝宗踐祚赦出之
既改元命為廣東按察使尋擢右僉都御史巡撫大
同虜大舉犯邊進炮台烽火不絕相應係帶馬尾飛
塵漲天虜驚為兵喪議款如舊款貢人歲率三千皆
戢下馬閑門外脫方天入館代府諸郡王與巡撫
通酒食乾沒易餉進一切持法行武邑王聰沐不律

發其罪廢為庶人太監嚴侵餉挽軍按劾之嚴撫拾
中傷驗問無實竟坐擅用藍緇謫兗州知府至用
寬平治衍聖公孔弘泰問曰公此來政體何異昔日
進曰往法官也而今郡守如昔治之不謂威虐即見
忿滿進以親吏民亦用絕物議也居充四年遷陝西
按察使先是北虜大寇甘肅都御史馮績罷為民廷
議復擬進左僉都御史往巡撫土魯番牙蘭據哈密
虜其王陝已進與總兵劉寧副總兵彭清率兵冒雪

食乾糲飲冰水蒙犯矢石四十餘日襲克之還哈密
王故城九年論功進右副都御史其年詔巡撫陝西
廉察守令臧否軍民利病上下肅然先是張敷華撫
陝有名至是閩中人謠曰明鏡張許重光十年召為
戶部侍郎與尚書周經並留心國計明年轉左廷推
大臣有不協者進揭之衆中人謂侵官進曰古者大
臣知無不言況會議乎庚申北虜寇大同上命兼
左副都御史提督宣大諸軍事法令嚴峻忤權貴竟

坐奏劾將官不公勒令致仕進家居對客談哈密事
矍然自喜顧客曰進老矣懃且多忤無益於時幸除
太平安度餘生即不虞有疆場變尚思報國恩荷戈
先士卒死焉能訣兒女子牖下耶鄉之耆艾問曰公
昔為士朴真而已何仕而功之偉也進曰吾亦以朴
真仕居之之西夏不寧廷臣會薦可陝西總制者四
十餘人止德政元乃起進兵部左侍郎提督京營兵
尋晉尚書賜蟒衣上䟽勸上勤學問戒逸遊上

嘉納之每於團營操練必指授方畧而南北各邊事
機處置周悉凡權責請託多執不從改吏部尚書加
太子少保逆瑾秉政與進不協誣以他事令致仕猶
銜進不已進在大同時嘗藉軍出僱役錢曰火丁御
史王汝言巡按大同瑾遣給事中往勘劾而密致汝
言書給事中曰劾則殺許公不劾則殺吾二人奈何
汝言曰寧殺吾二人乃自草奏白其事瑾大怒令改
勅給事中曰吾死矣汝言仍前以上瑾曰二人不思

還京耶時中肯偏切內外竄厯進曰吾且死耳遂仰藥死而瑾已伏誅矣進子孫諱言之第以為進卒復官致仕如故贈太子太保進立朝無朋拔擢皆出公論去世二十年謚典見格嘉靖初乃得謚為襄毅進器宇魁岸抱負甚偉論議洵出若無不可為者法尚嚴峻請託拒絕少時被父捷指出血後舉指示人感泣不已其為吏部尚書有貢士就銓輒急銓之曰先祖嘗為此官其孝如此生八子有官爵者七人詔鄉

貢士誥南京戶部尚書讀吏部尚書入內閣詩工部
主事詞館運司使詔青城戶論兵部尚書金緋銀艾
並聯通籍一時海內莫京爲誥博學能文讀小心守
法不敢任進退世宗稱其端慎值夏言嚴嵩當事
不得盡所志論有才畧好談兵

林瀚閩縣人父鏐以進士仕撫州知府吳興稱其
節操既自免歸友人戴弘齡方衆慎許可對坐客握
鏐手曰公有四知諸君知乎客皆以楊震故事爲擬

弘齡徐曰林公歷官知縣知州知府人皆能之至其
知足人鮮能也坐客以為名言瀚成化初進士選翰
林院庶吉士授編修累陞左春坊右諭德 孝宗三
年為國子祭酒尋加禮部侍郎掌祭酒事瀚典國學
十年教士嚴而有恩立規撥歷雖勢要子弟不得越
次請託歲合得繕金悉為諸僚屬次第鬻置公署省
其僦賃瀚居官潔修而賓客過門必極款洽士大夫
有問終日酬應無矜忌之氣久之為南京吏部尚書

言事忤旨乞致仕 上慰留之尋引年乞休不許
武宗改元改南京兵部尚書數與守鎮內臣不協而
各處內官進有過者必索快船以便已私瀚皆裁弗
予蓄怒而去劉瑾用事中傷者多嫉瀚尤甚南京諸
臺諫以言事被逮瀚欲往送贐祖道且欲為直其事
瑾益怒乃謫降浙江左叅政致仕復指同劉健謝遷
為朋黨榜示天下及瑾誅復尚書銜瀚間居手不釋
卷為詩文渾厚典雅不事雕琢按察副使陳伯獻嘗

稱公賤者即之不知其為貴卑者即之不知其為尊
愚不肖者即之不知其為賢且智卒年八十六贈太
子太保謚文安子庭樞嘉靖中為工部尚書謚康懿
庭機官南京禮部尚書庭機子燾亦為南京禮部尚
書機與燾三世皆為祭酒而燾尤孜、不倦教誘後
進惟恐有添祖德第燾亦舉進士為兩司庭機謚文
康燾謚文懿

倫文叙字伯時廣東南海人長身玉立頭顱大二尺

許五歲時與群兒戲有術者獨指之曰是兒當大胖
天下弘治己酉以儒士告考御史周南得其卷嗟異
之入棘果中高等己未禮部試第一廷試亦第一授
翰林院修撰學行才器為世所推重乙丑武宗登
極使須朔安南會丁艱不果庚午起復為經筵講官
進講舜有臣五人而天下治多規諷語癸酉進修玉
牒是秋主應天試事竣卒於京師年四十有七文叙
天性純厚篤於孝友仗義恤孤室無私財且器量宏

遠人皆期為台輔及卒天下惜之所為文宗韓楊悠
長宛轉賴其為人居嘗以書史自娛手不釋卷尤善
教子三子以諒以訓以誥皆成進士而以諒鄉試第
一仕至南通政司參議以訓會試第一是試第二仕
至南京國子監祭酒父子掄四元海內科名推為第

王重光